



*Rabu 23 Desember 2020*  
**Ogen: Heberb 11: 1**



**Tek Nandangi Siniarapken Kita**



**I**man sejati berarti tidak menahan apapun itu berarti menempatkan setiap harapan kepada kesetiaan Allah pada janjiNya (Prancis Can). Enda sada kata bijak si memotifasi kita i bas erkiniteken man Tuhan. Erkiniteken ertina namaken kerina harapenta nandangi kesetian man janji Dibata. Megatikel sikataken “ indah pada waktuNya” waktu Tuhan labo waktuta, i je me perlu kita erpengarapen man Tuhan. Pengarapenta maka i bas waktu Tuhan lit si mehuli. Kerna arapenta pasti jadi sue ras janji Tuhan man banta, enda me pengarapen si perlu tetap lit i bas kerina paksa kegeluhenta. Adi sipepayo maka pengarapen enda me sierbahansa kita ertahan. Tupung lit kalak mombak i tengah lawit enggo terombang ambingken galumbang, banci ia ertahan i bas sada batang kayu si itagangna alu enteguh, erkiteken lit pengarapenna, i bas paksana Tuhan pasti nampati ia arah penampat kalak singidahsa. Bagepe kalak sakit si arus oprasi, nggit ia ibelah pe beltekna, sabab lit pengarapenna adi enngo iambekken pinakit si lit ibas beltekna maka banci ia malem. Bageme perluna pengarapen i bas kegeluhenta. Lit penungkunen : tek denga nge kita nandagi kinitekenta? Nandagi kai si iteki kita? Enterem kalak tek lit Tuhan tapi la tek nandangi kuasaNa. Apai denga ka tupung lit perbeben entah pe pinakit si ngerimrim i bas kegeluhenna. Labo ia reh ku Tuhan guna itotoken, teken ia nandangi kuasa perdukunen asangkan kuasa Tuhan. Si mesangatna dukun ndai si nuruh ia ertoto. Dukun si la nandai Dibata beluh ngajari ertoto, emaka enggo dukun si ngaturken kinitekenna. Enda pe jadi perenungen man banta, tuhu-tuhu nge kita tek nandangi kuasa ras kemulian Tuhan sinjayam kegeluhenta? Heber 11:1, erkiniteken ertina tek nandangi kai siniarapken kita, tek kerna kai si la idah. Jadi i bas erkiniteken e tentu lit pengarapen si erbahansa kita megenggeng nimai janji Tuhan, maka i bas waktu Tuhan banci jadi sue ras kai sipindo kita man baNa i bas kegeluhenta. Anem gia lenga iidah genduari tapi lit pagi paksana sialoken sue ras kinitekenta. Ula medu nimai paksa si ibereken Tuhan engkuhi kerina toto dengen pengarapenta. Seh kita ku pendungi Tahun i bas paksa enda melala pe tantangan ras perbebenta tapi Tuhan nemani.

*🔍 Pengarapen sipegeluhkan kita i bas kerina dampar kegeluhenta*



Blank writing area with a light blue background and a wavy top edge.